



# UNTL

Universidade Nacional Timor Lorosa'e

**AVIZU**  
**LOKE KONKURSU PÚBLIKU BA**  
**UNIVERSIDADE NACIONAL TIMOR-LOROSA'E - U N T L**  
(Prosesu Selesaun nakloke ba Sidadaun Timoroan hotu)

Komisaun Funsau Públika, tuir Dekretu lei Nú. 34/2008 depoizde alterasaun ba Dekretu lei Nú. 22/2011 iha loron, 27 Agostu, artigu 5<sup>o</sup> – 7<sup>o</sup> hatete katak konkursu públiku no konkursu internu hotu-hotu sentraliza iha sekretariadu Komisaun Funsau Públika atu hala'o prosesu rekrutamentu hanesan konkursu públiku no internu tuir Dekretu Lei haruka. Dekretu-Lei Nú 16/2010 iha loron, 10 Outubru kona-ba Estatutu UNTL, Lei Nú 2 /2018 de 24 de Janeiru Alterasaun badaruak hosi Dekretu Lei Nú. 7/2012, 15 Feveireiru (Estatutu Karreira Dosente Universitária)

<b>Vaga Dosente Permanente ba</b> <b>Departamento Politicas Públicas, Faculdade Ciências Sociais</b> <b>No. Ref. CPI/113/2022</b>	
<b>Totál vaga: Rua (2)</b>	
<b>Kategoria : Leitór Júnior C5</b>	<b>Grau Akadémiku : Mínimu Mestradu ho</b>
<b>Saláriu Mensál/ kada fulan: \$. 875.00</b>	<b>Esperiénsia hanorin komprovalu</b>
<b>Estadu Funsional: Permanente</b>	
<b>Tipu Konkursu: Konkursu Públiku</b>	<b>Métodu Selesaun Dokumentu ho karakter eliminatóriu: Prova Koñesimentu no Entrevista Profesional</b>
<b>Reporta/Hatán ba: Reitor Universidade Nacional Timor Lorosa'e</b>	

**A. Deskrisaun Konteúdu funksional husi postu servisu:**

1. Prepara Matéria ba aula bazeandu ba kurríkulu no *syllabus* ne'ebé iha;
2. Prepara materiál ba prátika;
3. Fó orientasaun ba estudante sira kona-ba planu estudu nian;
4. Prepara oráriu ka planu ba kada semana, indika materiál atu hanorin ho ninia prátika;
5. Koordena ho Diretór Departamentu kona-ba aktividade semanál nian;
6. Prepara matadalan estudu nian (*Study Guide*);
7. Hanorin uza lian Portugés;
8. Hanorin tuir planu no oráriu ne'ebé prepara tiha ona;
9. Prepara materiál no fó ezame ba estudante sira;
10. Fó sai rezultadu ezame ba estudante sira;
11. Halo relatóriu ezame no hato'o ba Diretór Departamentu;



12. Halo avaliaun ba estudante sira;
13. Fó Orientasaun Monografia;
14. Halo peskiza (sei aplika wainhira atu prodús estudante lisensiatura);
15. Hakerek livru (sei aplika wainhira atu prodús estudante lisensiatura);
16. Prepara semináriu no *workshop*

## **B. Rekizitu sira Selesaun nian:**

### **1. Rekizitu obrigatóriu sira:**

- a. Tenke Sidadaun Timor-Leste nian;
- b. Idade másimu 55;
- c. Nunka sai kondenadu iha krime dolozu ne'ebé korresponde ba prizaun efetiva tinan rua ba leten, ka prátika hahalok ne'ebé bele konsideradu no manifesta inkompatibilidade ho ezersísiu husi funsaun sira iha administrasaun pública;
- d. Nunka demitidu husi Instituisaun Estadu nian ruma;
- e. Prontu atu halo viajen ka kolokadu iha kualkér parte iha territóriu nasional no iha rai-liur;
- f. Goza saúde di'ak, fíziku no mentalmente di'ak hodi bele halo funsaun sira-ne'ebé konkorre bá daudaun (Atestadu médiku komprova liuhusi Laboratóriu Nasionál-Ospital Nasionál Guido Valadares).

### **2. Rekizitu sira ba abilitasaun akadémika:**

Mínimu Mestradu ho esperiéncia hanorin komprovadu iha aréa Polítikas Públikas no área sira-ne'ebé relasionadu ho vaga ne'e nia ezijéncia, ne'ebé hetan husi Universidade sira-ne'ebé akreditadu loloos ona hodi lesiona matéria ka dixiplina balun ne'ebé mosu iha lista a) to'o c) iha kraik:

- a) *Introdusaun Politikas Publikas;*
- b) *Politika Tributaria;*
- c) *Politika Seguransa Alimentar, Demografia no Meio Ambiente.*

### **3. Rekezitu obrigatoriu, abilitasaun no esperiéncia espesífika ba pozisaun ne'e:**

- a. Iha esperiéncia hanorin ka investigasaun, mínimu servisu tinan-tolu iha aréa Polítikas Públikas komprovadu ho dokumentu relevante;
- b. Tenke iha domínio ba lian ofisiál (verbál no esrita) no preferivel dominiu iha lian Inglés, Indonézia ka lian estranjeru sira seluk komprovadu ho dokumentu relevante;
- c. Notas tenke di'ak (bon) iha dixiplina ne'ebé atu hanorin bá;
- d. Rekezitu adisionál Komprovativu:
  - Esperiéncia Peskiza;
  - Publikasaun Sientífika (Nasionál no/ka Internasionál);
  - Servisu Komunitária;
- e. Koñesimentu informátika iha nivel utente nian



# UNTL

Universidade Nacional Timor Lorosa'e

## C. Aprezentasaun Kandidatura:

Rekerimentu Inskrisaun ba konkursu tenke akompañadu ho:

1. Karta rekerimentu aplikantes sira-nian sei derije ba Prezidente Juri;
2. *Curriculum Vitae (CV)* aktualizadu no inklui mós referénsia mínimu ema na'in-rua asina;
3. Fotokópia Diploma Mestradu (S2), Doutoramentu no Lisensiatura (S1, esperiénsia hanorin komprovadu), Diploma sira tenke legalizadu husi MESCC tahan-1 (legalizadu orijinal);
4. Transkrisaun Akadémika Mestradu (S2), Doutoramentu no Lisensiatura (S1) tenke Legalizadu husi MESCCtahan-1 (legalizadu orijinal);
  - a) Área Sosiál mínimu Bon ba Mestradu, Doutoramentu no Lisensiatura (S1, ho esperiénsia hanorin komprovadu);
5. Fotokópia Eleitorál ka BI tahan-1 (ida);
6. Fotokópia Sertidaun RDTL tahan-1 (ida);
7. Kópia Kartaun Vasina COVID-19 daruak;
8. Sertifikadu Bon Komportamentu Husi Ministériu Justisa ne'ebé sei válidu;
9. Atestadu Médiku husi HNGV;
10. Kópia Sertifikadu formasaun no treinamentu iha área relevante karik iha;
11. Fotografia Koloridu 3x4 tahan-2 (rua);

**D.** Dokumentu hirak temi iha leten, submete direktamente ba Diresaun Nasionál Rekursu Umanu-UNTL, iha oras serbisu nian, hahú loron, **05 fulan-Setembru 2022 to'o loron, 23 fulan-Setembru 2022**

## E. Kritéria Avaliasaun Kandidatura:

1. Avaliasaun Kandidatura bazeia ba:
  - Méritu kandidatu;
  - Formasaun Akadémika;
  - Perfil kurrikulár;
  - Esperiência hanorin no investigasaun sientífika iha área relevante;
2. Avaliasaun kurrikular sei kompleta tan ho teste eskrita no orál;

## F. Matéria Prova Eskrita nian:

Tópiku sira tuirmai ne'e sei ezije bainhira hala'o ezame eskrita:

1. Konstituisaun RDTL;
2. Estatutu Funsan Públika (Lei número 8/2008 no Lei número 5/2009);
3. Dekretu-Lei Nú 16/2010 iha loron, 10 Outubru kona-ba Estatutu UNTL;
4. Lei Nú 2 /2018 de 24 de Janeiro Alterasaun daruak hosi Dekretu Lei Nú. 7/2012, 15 Feveiru (Estatutu Karreira Dosente Universitária);
5. Lei Nú. 3 /2014 de 15 de Janeiro Alterasaun ba dahuluk hosi Dekretu Lei Nú. 7/2012, 15 Feveiru (Estatutu Karreira Dosente Universitária);



# UNTL

Universidade Nacional Timor Lorosa'e

6. Programa Governu nian;
7. Matéria kona-ba Pedagogia UNTL nian;
8. Sistema no prosesu Edukasaun iha Timor-Leste nian;
9. Dixiplina espesífiku;

## G. Teste Orál

### Ezame orál sei bazeia ba:

1. Uzu ekipamentu sira hodi apoiu ensinu;
2. Kompeténsia pedagójika (métodu hanorin);
3. Koñesimentu téknika sentífika iha área ne'ebé sei hanorin bá;
4. Kapasidade espresaun no komunikasaun orál liuhusi apresentasaun *power point* kona-ba matéria ne'ebé nia sei lesiona;

## H. Sistema Klasifikasaun Final

Klasifikasaun final rezulta husi média aritmética simples ba klasifikasaun sira-ne'ebé hetan liuhusi métodu selesaun hotu-hotu, iha eskala ida husi pontu 0 (zero) to'o 100 (atus ida), hodi konsidera aprovaun ba kandidatu sira-ne'ebé hetan klasifikasaun hanesan ka bootliu pontu 60. Kandidatu ida-ne'ebé hetan número bootliu iha pontu no prienxe kondisaun oioin ne'ebé fó sai iha avizu konkursu públiku ida-ne'e mak sei nomeadu no simu pose ba vaga ne'e.

## I. Afiksasaun Resultadu

Lista ho naran kandidatu sira-ne'ebé admitidu ba faze ida-idak iha konkursu ne'e, nune'e mós lista klasifikasaun final sei taka iha kuadru avizu UNTL, MESCC no Komisaun Funsau Públika nian.

  
**Próf. Doutor Afonso de Almeida**  
Prezidente Jurí